



Broj: 05/09-01-04-28707-7/25
Sarajevo, 19.06.2025. godine

SKUPŠTINA KANTONA SARAJEVO

- OVDJE -

PREDMET: Odgovor na zastupničko pitanje zastupnika Faruka Selmanovića, dostavlja se,-

Veza Vaš akt br.: 01-04-287087-6/25 od 23.05.2025. godine.

Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je predmetni akt, na nadležno postupanje sa prilogom, zastupničko pitanje zastupnika Faruka Selmanovića.

Zastupnik Faruk Selmanović je na 22 (dvadesetdrugoj) radnoj sjednici Skupštine Kantona Sarajevo, održanoj dana 23.05.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je zastupničko pitanje koje je dostavio u pisanoj formi i da se u skladu sa odredbama Poslovnika Skupštine Kantona Sarajevo odgovor dostavi u pisanom obliku.

Zastupnik Faruk Selmanović je uputio slijedeće pitanje:

Upućujem zastupničko pitanje, Ministarstvo komunalne privrede, infrastrukture, prostornog uređenja, građenja i zaštite okoliša, šta rade po pitanju pasa lualica, da li imaju plan rješavanja tog problema, obzirom da je u Kantonu Sarajevo, u zadnje vrijeme primjećen veliki broj pasa lualica ?

ODGOVOR

Na osnovu Zakona o zaštiti i dobrobiti životinja („Službeni glasnik BiH“, br. 25/09 i 9/18) i Zakona o komunalnim djelatnostima Kantona Sarajevo ("Sl. novine Kantona Sarajevo", br. 14/16, 43/16, 10/17- ispr., 19/17, 20/18 i 22/19), Budžeta Kantona Sarajevo za 2025. godinu ("Službene novine Kantona Sarajevo", broj 13/25) i odredaba Zakona o izvršavanju Budžeta Kantona Sarajevo za 2025. godinu („Službene novine Kantona Sarajevo“, broj 13/25), Ministarstvo komunalne privrede, infrastrukture, prostornog uređenja, građenja i zaštite okoliša, Kantona Sarajevo je sa Općinom Novi Grad Sarajevo, sklopilo „SPORAZUM O MEĐUSOBNOJ SARADNJI“, kojim se regulišu međusobna prava i obaveze između Ministarstva i Općine.



Općina Novi Grad Sarajevo je osnivač „Veterinarske stanice Novi Grad“ d.o.o. (jedinog registrovanog na području Kantona Sarajevo – „Higijenskog servisa“) i za potrebe svih općina sa područja Kantona Sarajevo će vršiti pružanje usluga hvatanja i zbrinjavanja pasa putem ovog higijenskog servisa, u skladu sa važećim cjenovnikom „Veterinarske stanice Novi Grad“.

Pružanje usluga, prijem i zbrinjavanje pasa bez vlasničkog staranja, na području Kantona Sarajevo, koje hvata KJKP "RAD" d.o.o. Sarajevo regulirano je posebnim ugovorom koji je zaključen sa „Veterinarskom stanicom Novi Grad“.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je u Budžetu Kantona Sarajevo za 2025. godinu za ovu namjenu obezbijedilo finansijska sredstava u iznosu do 250.000,00 KM, koja će se u skladu sa potpisanim sporazumom i mjesečnim Izvještajima dodijeliti do kraja 2025. godini.

U skladu sa navedenim, obavještavamo Vas sljedeće:

Usvojenim ZAKONOM O ZAŠTITI I DOBROBITI ŽIVOTINJA (“Službeni glasnik Bosne i Hercegovine”, broj 25/09), 2029. godine, uređuje se odgovornost ljudi za zaštitu i dobrobit životinja u pogledu držanja, smještaja i ishrane, zaštite od mučenja, zaštite životinja u vrijeme ubijanja ili klanja, stresa tokom transporta, zaštite divljih životinja, te odnos prema napuštenim životinjama, kućnim ljubimcima i laboratorijskim životinjama, formiranje etičke komisije i stručnog savjeta, kao i nadzor nad provođenjem ovog zakona i kaznene sankcije za prekršioce zakona.

U članu 2. (značenje i termini) naprijed navedenog zakona pod tačkom i) **nadležni organ** za provođenje ovog zakona je Ministarstvo vanjske trgovine i ekonomskih poslova Bosne i Hercegovine.

Na osnovu člana 40. tačka c) Zakona o zaštiti i dobrobiti životinja („Službeni glasnik Bosne i Hercegovine, broj: 25/09), Ministarstvo vanjske trgovine i ekonomskih odnosa, na prijedlog Ureda za veterinarstvo Bosne i Hercegovine, donijelo je „**Pravilnik o držanju opasnih životinja**“, kojim se utvrđuje pojam opasnih životinja kućnih ljubimaca i način postupanja s njima, s tim da se odredbe ovog pravilnika ne primjenjuju na službene pse koji se koriste za obavljanje poslova organa državne uprave.

Također, Poglavlje XV. Prijelazne i završne odredbe, u član 43. (Rok za donošenje podzakonskih akata) određeno je slijedeće, i to: Podzakonski akti iz ovog zakona bit će doneseni u roku od godinu dana od dana stupanja na snagu ovog zakona. Imaoci pasa i mačaka dužni su da mikročipuju i upišu u registar svoje kućne životinje rođene, odnosno nad kojima je stečeno vlasništvo prije stupanja na snagu ovog zakona, u roku od šest mjeseci od dana stupanja na snagu ovog zakona.

Skloništa za životinje iz člana 28. ovog zakona moraju se osnovati u roku od godine dana od dana stupanja na snagu ovog zakona. Do osnivanja skloništa za životinje iz člana 28. ovog zakona, od tijela predviđenih ovim zakonom, veterinarske stanice mogu, u saradnji s nadležnim općinskim organima, provoditi kastraciju, sterilizaciju i obilježavanje napuštenih životinja, naročito pasa lotalica, te njihovo ponovno puštanje na mjesta prirodnog staništa, a s ciljem stabilizacije populacije napuštenih životinja kontrolom njihove reprodukcije u kratkom roku.



ZAKONOM O KOMUNALNIM DJELATNOSTIMA („Službene novine Kantona Sarajevo“ br. 14/16, 43/16, 10/17, 19/17, 20/18, 22/19), određeno je da se pod obavljanjem kafilerijskih usluga podrazumijevaju poslovi stalnog i sigurnog uklanjanja pasa lualica, lešina životinja, određenih nejestivih nusproizvoda klanja, konfiskata i valioničkog otpada sa javnih površina i poslovi eutanazije životinja.

U skladu sa Zakonom o komunalnim djelatnostima u članu 9. stav 1. tačka 6. stoji:

„Grad i općine u njegovom sastavu, kao i općine koje nisu u sastavu Grada, u okviru svog samoupravnog djelokruga, obezbjeđuju obavljanje kafilerijskih usluga“.

Na osnovu navedenog člana vidljivo je da ova djelatnost ne može biti u nadležnosti ovoga ministarstva nego je u nadležnosti Grada i općina.

Napomene radi, u resor Ministarstva privrede Kantona Sarajevo spada KJP „Veterinarska stanica“, koja obavlja aktivnosti u pogledu vakcinisanja, saradnje sa inspekcijom za postupanje određenih radnji, eutanaziranja pasa.

S poštovanjem,



Dostaviti:

1. Skupština Kantona Sarajevo;
2. Stručna služba Vlade KS - na znanje;
3. Lice za koordinaciju izrade odgovora na poslanička/zastupnička pitanja i inicijative - na znanje;
4. Evidencija;
5. Arhiva.

Pripremio: Dževad Čeljo, Šef odjeljenja

Kontrolisao: Muhamed Bekto, Pomoćnik ministra



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba